

Бисмиллагъи ррягъмани ррягъмим!



АССАЛАМ

www.assalam.ru

НА ТАБАСАРАНСКОМ ЯЗЫКЕ

МУСУРМНАРИН ГАЗАТ

№6 (67) июнь 2009-пи йис. / Джумаг-уль-ахир 1429 / Табасаран члалниинди вазлик саб ражну угубчлвур. Кьимат 15 манат

БАГЪАЛУ ДАФТАР

Гирами Кьуръандихъна гьюрмат

Кьуръандин Дафтар хлиз гьадабгъайиз улихъна гьудгнин дижикну ккунду. Гьудгнин дижикну адарди Кьуръандин учвуз кьваъланди эзбер духънайи сурйир урхуз хай шулу. Мумкинвал аш, Кьиблайиз кьаршу терефнаъ деъну (дусну) ва Дафтар сациб зади дибисну ккунду. Кьуръан урхуз улихъ ккимиди "Аьузу-бисмиллагъи" дупну хьюгъру.

Мусгьяф гьарган имбу китабарихъан жаради уьбхюб лазим ву. Дидин зиин жара шейъар ва китабар дивуз хай шулдар. Гирами Кьуръан урхруган, дидихъ дикъатлуди ва гьюрмат уьбхюри хъпехъувал теклиф апура. Кьуръан шаду мяракийриъ дурхну ккундар, ялхънар апру йишварий, мяълийирин сесер айи йишварий, жара шадлугъар хъаърайиган. Эгер Кьуръан урхурайиган гьацдар сесер яваш алауз шуладарш, гьациб йишвхъан гьудучвну гьагъюб ужу ву. Эгер учвуз хабарсудзи Кьуръандин Дафтриан

(Мусгьяфдиан) вуйи кьажар, Гьаддиан дупнайи гафар ва гьюрматлу ксарин ччвурар лазим алдру ва марцци дару йишварихъ гьаркъиш, дурар кьан дарапди за дапну гьадагъуб лазим ву.

Мусгьяф ва диндин дафтрар ликарихъ дивуз ва ликар гьадрарин терефназди гьачларккуз ярамиш шулдар. Эгер дурар ягъалди дивнаш, хай шулу.

Хулаъ Мусгьяф айивал (гъеле Думу урхуз аьгъдру касдизра кмиди)ужуб ляхин ву.Гирами Кьуръан урхувал суннат ву, хъа Думу урхурай-



Ас-Салам-фото

рихъ хъпехъувал фарз ву.

Кьуръан урхурайи вахтна, эгер лапра гьялакди дапну ккуни чарасуз ляхин адарш, дидихъ ихтиярди, ккебехъну, сес-дикл адарди хъпехъуб лазим ву. Ляхнар апурайи йишварий ва мистаъ гьудган апурайидарин багахъ Кьуръан урхуз хай шулдар, эгер дурариз манигъвал шулуш.

Кьуръандин Дафтрик анжагъ гьудгнин дижикну айиган кучуб ва Думу урхуб лазим ву. Думу арччул хлиъ дибисну ккунду ва кьамкъа-

рин исизди дивуз хай шулдар. Урхубалан кьяляхъ Кьуръандин Дафтар ачухъди гьибтну ккундар. Эгер фунуб-вуш жара ляхнихъ хьюгъюз ккундуш, Думу элебкуб ва ягъли йишвъин дивуб лазим ву. Кьуръан урхру вахтна гафар-члалар апуз хай шулдар. Урхувал дебкку вахтна цийиклуптан "Аьузу..." урхубалан кьяляхъ урхувал давам апуз шулу. Мухаф ясана Гирами Кьуръан кайи кассетйир чпин йишвахъ дивну ва гьадушвхъан гьадагъну ккунду.

НУМРАЙИЪ:

2 **ДАГЪУСТАДИАН ХАЙИРЛУ ХАБРАР**

Светский вузариъ Исламдин дарсар кивбакан



3 **ФИКИР ТУВХЪА, АННАМИШ АПИУХЪА**

Салаватдин заанвал, фазилатвал



4 **ИЧ БАШСАГЪЛУГЪВАЛ**

Дугъан аьжал гьамциб гьабхъну



5 **УЧУЗ БИКИУРА, ЧАН СУАЛНАЗ ЖАВАБ ТИАЛАБ АПИУРА**

Инкарвалтан гьакъвал абгуб ужу ву



7 **ПОДПИСКАЙИКАН УЛХУХЪА "АССАЛАМ"**

ухъуз чарасуз лазим вуйи газат ву



ЭКБРИН ХУШЛУ СЕС

Гьудгниз сабпидих апууб

Сабпи экбер (гьудгниз дих апууб) Аллагъдин рякъ хъапруайи билали Мединаийъ Гьижрайин садпи йисан (ихъ деврин 622-пи йисан) дих гьапну.

Экбрин тарих гьамциб ву. Аллагъу Тааълайи гьудгнарикан варитан ужубсиб сатиди жамьяатдихъди гьапууб. Гьаци вуйивалин метлеб мусурмнар сатиди уч хъувал ва дурарин арайиъ гьюрмат ва ккунивал

хъуб вуйи. Инсанариз гьудган апабахъна фици ужуди дих дапну ккундуш. Пайгъамбари чан тереф уьбхрударихъди мясляаъ гьапну. Гьудган апру вахт улубкъган, дурари ягъли йишвъин пайдагъ дубсувал ясана ца алапувал теклиф гьапнийи. Хайлиндар гьадму теклифназ рази гьахъундайи, дурарин наразивализ себеб айи, фицики даахнайи инсанариз ясана жара йишвахъна душнайидариз гьадму лишнар дьярякъюз мумкин ву Саб жерге ксари кларч ишлетмиш апбан теклиф дивнийи (иудеййириси) ясана зенг йивувал (христиана-



Ас-Салам-фото

риси). Хъа амма гьадму теклифарра Пайгъамбари батлуп гьапнийи.

Гьадмуган гьамциб кьарар адабгъуру: "Гьудган апру вахт улубкъган, гьит сасдар жарадарихъна гьудгниз дих апуз гьарахри". Гьудгниз дих апувал лапра аьдати инсанарин сесинди дих апуз мясляаъ апуру, гьамцдар гафарилан ккебгъри "ас-салату жамиаъ" (вари сатиди гьудган апуз удучвай).

Саб ражну Пайгъамбарин терефкар Аьбдуллагъ бин Зайд лапра кьалин нивкль айиган, дугъахъна сар кас гьору ва клуру: "Инсанариз гьудган апуз дих апуру гафар увуз улупуза?"

Ва дугъу дугъаз экбер урхуз улупну. Нивк'ан уягъ гьахъихъан Аьбдуллагъ Пайгъамбарихъна гьагъюру ва дугъаз чаз гьабкъюб-дикан ихтилат апуру. >> 2

ЭКБРИН ХУШЛУ
СЕСГъудгниз
сабпи дих
апІуб

« Аллагъди Гъаьнайри ۞ кІуру: "Увуз гъабкъюб ужуб ву", гъаз гъапиш гъадму касдихъна иллагъки гъациб къайдайинди экбер апІбан гъакънаан Аллагъди ۞ ашкар дапІнайиб гъапІну. Хъасин Абдуллагъди Билализ гафар аьгю апІуз табшурмиш апІуру, фицики дугъаз аьхю сес ади гъабхъну.

Гъамци Билал гъудгниз дих гъапІу сарпи кас гъахъну, хъа къюрпир - Абдуллагъ ибн Умму - Мактум.

Билали гъурху экбер сабпи ражну гъебхъган, Умар-аьсгъабди разивалиинди сес деебуру: "Аллагъдинди ху апІураза, гъакълу ву, гъаму жюрейинуб гъабкъюнзуз, эй Аллагъди Гъаьнайри!". Хъасин мялум гъабхъганси, гъаму саягъниинди Пайгъамбарин йициурилан зина терефкрариз гъабкънийи.

("Нур-уль-Якъин".
"Иъанат-ут-талибин" кІуру
дафтрариан)

ДАГЪУСТАНДИАН ХАЙИРЛУ ХАБРАР

Светский вузариъ Исламдин дарсар кивбакан

М айдин І2- пи йигъан теологъияин ва варидюнъияин аьлакъйирин Институтдиъ семинар- совещание кІули гъубшну. Гъадушваъ США - йин, Кафари - Азияин ва Къавкъаздин региондин светский умуми образованиейин идарйириъ Исламдин дарсар кивбан гъакънаан вуйи месэла гъял гъапІну.

Гъадму месэла гъял апІбан бадали гъаму ксариз теклиф дапІнайи, магъа дурарин ччвурар: Гарвардский университетдин профессор, социальный антропологийин доктор Джон Шарилан, Еревандин государственной университетдин профессор Рубен Марикян, тарихнан Институтдин илмин аьхюну гъуллугъчи Лейла Тухфатулина (Казань), хъа гъацира дагъустандин вузарин мялимар.

Дуфнайи хъялари уч духънайидариз чпи Исламдин дарсар кивбаан фицдар къайдйир ишлетмиш апІураш, чпихъ Исламдин фицдар илмар аьгю апІураш, гъаддикан ктибтнийи.

Асас вуди Рубен Марикянди къайд гъапІганси, Арменияийъ 98 процент агъалйир христианар вушра, хъа амма 1968-пи йисланмина Еревандин госуниверситетдиъ востоковедениеийин факультет ачмиш дапІна, гъадушваъ аьраб, перс ва тюрк чІаларин отделенийир лихура.



Ас-Салам-фото

Хъа аьхиримжди хъуд йисан Ислам аьгю апІбан предмет ачмиш дапІна (аьгю апІура), Исламдин тарих аьгю апІуб метлебниинди. Мисал вуди гъадабгъиш, гъядисар аьгю апІбан, суфизмийин тарихнан, аьраб философияийин предметар улупура. Дугъу халкъдин арайиз артухъ къадарнаьди жюрбежур динарин гъакънаан аьгювалар тарагъну ккунду, кІури гъапІну.

Лейла Тухфатулинаийи Татарстандйи Ислам аьгю апІбан умуми гъялнан ктибтну, хъа гъацира чпин вузариъ исламдин предметар фици кивраш, гъадрарин тажрубайихъди таниш гъапІну. Гъацира чпиз айи тажрубайихъди США - йиан

вуйи профессор Джон Шариландира ктибтну. Дугъу къайд гъапІганси, чав гизаф йисарин муддатнаъ муганайиздин СССР- ин уьлкйириъ ляхин гъапІну ва думу аьхю уьлке дабгъалан къяляхъ Исламдиз аьхю фикир тувур, кІури умудлу гъахънийи, хъа амма, гъайифки, гъаци гъабхъундар. Исламдихъна лапра ихтияди янашмиш хъуз хъюгъну. Гъаддихъди сабпи Гарварддин университетдиъ гъамцдар предметариан дарсар кивра: «Ислам жямъатлугъдиъ», «Ислам дин жигъатнаан», «Суфизмийкан», Къуръан аьгю апІру курсарра а ва гъ.ж.

Аьхириъ гъадму семинар - совещаниеийиз уч духънайидариз жюрбежур суалар тувуз мумкинвал гъабхъну.

Гъадму суалар асас вуди образованиейин месэлийрихъди, Исламдин дарсар кивбан къайдйирихъди аьлакълу вуйидар вуйи.

ИТИМО - йин ректор Макъсуд Садикъовди гъаму ражну тешкил гъапІу гюрюшди вузарин арайиъ айи аьлакъйир мягъкам апІрувалик ва гъадрарин арайиъ айи аьлакъйир гележегдиъ мягъкам шлувалик умудвал кивну. Гъадди неинки дагъустандин, хъа гъацира сабишвъинди гъадабгъан вари урусатдин жямъатлугъдиз хайир тувди.

Гъацира гъадушваъ Гарварддин университетдин, ДГУ- йин ва ИТИМО- йин арайиъ студентари сатІди аьгювалар гъадагъуз йикъар гъапІну.

Конкурсдин натижйир

М ягъячгъалайиъ аьраб каллиграфияийан вуйи уьмуми Урусатдин ачухъ вуйи ургубпи конкурсдин натижйир гъивну. Гъалиб гъахъидарин ччвурар Расул Гъямзатовдин ччвурнахъ хъайи республикаийин Милли библиотекайиъ выставка ачмиш апІбан шадлугънаъ гъивнийи.

Конкурсдин тешкилатчйириккан сар, Кавказдин халкъарин Университетдиъ аьраб чІал кивру кафедраийн заведующий Исмяил Ханмурзаевди гъапиганси, чпин яратмишар гъадму конкурсдиз Урусатдин хайлин регионариан вуйи студентари ва шиклар каузна бикІуз аьшкъ айидари хътаънийи, асас вуди Дагъустандин, Чечен Республикаийан, Ингушетияийан, Адыгейийан, Краснодарин ва Ставрополин краяриан вуйидари.

Ккудушу йисарихъди тевган гъаму йисан конкурсдиз хъадаънайи яратмишарин мяналувалин дережа заануб вуйи, Гъадму серенжем гъабхъбахъна вуйи аьшкълувалра за гъабхъну. Мисал вуди гъадабгъиш, гъаму йисан конкурсдиз каллиграфияийин 150 бикІбар ва шиклар хътаъну, хъа 2008 - пи йисан хътаъдарин къадар 120 вуйи.

Заан ад ва гъюрмат айи жюрйииз адлу аьлимар - аьрабистар, РАН - дин ДНЦ - йин вакилар, художникар дахил шулайи. Дурари



Ас-Салам-фото

хайлин йигъари гъадму яратмиш апІбарин къиматлувал аьгю апІури ва гъадрарин дережайиз къимат туври гъахъну. Натижайиъ сабпи йишв Дагъустандин исламдин университетдин судент Шейхмугъаммад Исабеговдиз тувну. Къюбпи йишв гъадабгъаз теологияийин ва варихалкъарин аьлкъйирин Институтдиан вуйи Мурад Мягъямедов лайикълу гъахъну (Мягъячгъала), хъа шубубпи йишв Дагъустандин меркездан вуйи пенсионер Рауф Рустамовди гъадабгъну.

Гъалиб гъахъидариз къиматлу призар, Гъюрматнан Грамотйир тувнийи, хъа гъацира конкурсдиъ иштирак гъахъи жара ксаризра призар тувнийи.

КІваин апІурача: аьраб каллиграфияийан вуйи уьмуми Урусатдин ачухъ вуйи конкурс сабпи ражну 2003- пи йисан тасдикъ гъапІнийи. Гъаддин къяляхъ вуйи аьхирмжи вари йисари конкурсар гъахбан гъаргандин тешкилатчйир Хасавюрт шагъриъ айи имам Шамилиан ччвурнахъ хъайи Кавказдин халкъарин Университет ву.

Ужувлан ляхниз - аферин

И хъ абйирихъанмина айи ужудар аьдатари-кан саб читинвалиъ айирииз, касибвал кайирииз кюмекнан хил гъачІабккувал ву. Думу ляхин Аллагъдира ۞ къабул апІруб, инсанарра рази ктаъруб ву.

Гъаму улихънаси Дербент шагърин къюбпи нумрайин йитимарин хулан (детдомдин) бицидарин столоваяийиз ва дахъру хуларий дивуз аваданлугъдин гъяжатар пешкеш гъапІну. Гъадму баркаллу ляхин кІули гъубхдар Дагъустандин мусурмнарин Духовный управлениеийихъди сатІди «Экспресс» банкдин гъуллугъчйир вуйи.

Столоваяийиз курсйир ва столар ва дахъру хуларий дивуз кроватар сад йигъ улихъна ккимиди дивнийи. Гъаддиз гъадму серенжем ккебгъайиз улихъна бицидариз чпиз багъиш гъапІу пешкешарикан аьгъайи ва гъадрарикан къадарсуз шад духънайи. Хъасин гъадрарихъна шадвалар тешкил апІуз, конкурсар гъахуз кІури устадар гъафнийи ва дурари ужудар пешкешар багъиш гъапІнийи: тупар,

ергру- ултІурччвру шей'ар, альбомар ва хайлин жара гъяжатар хъади.

Гъадму гюрюш ккебгъайиз улихъна бицидарин улихъ Дербентдин мистан имам Шуайб Гъясанбегов удучІвну гъулхнийи. Дугъу Мугъаммад Пайгъамбарин ۞ успагъи уьмиркан ктибтнийи. Дупну ккундуки, Интернатдиъ аьшкъ айи гъарсар касдихъан Ислам диндин бинйир аьгю апІуз шулу. Гъадму детдомдин директор Мирвет Ибрагъимхалиловди кІурайиганси, гъаци апІувал бицидарин хайирназ вуйи ляхин ву. Дугъу гъапиганси, гъудган апІуз хъюгъю хайлин бицидарин лапра жавабдарвал гъисс апІуз, Аллагъу Тааьлайин диндихъ дериндан хъугъуз хъюгъру. Думу тербия тувбан лапра ужуб къайда ву.

Хусуси мялуматар

ГЪЯДИС

ШВУМАЛВАЛ ЗИГБАЛАН КЪЯЛЯХЪ ГЪАРГАН ГУНГЪАР ДЕЕТРУР АЛЛАГЪДИК КЪЯЛХЪРУ КАСДИЗ УХШАР ВУ

ФИКИР ТУВХЪА, АННАМИШ АПИУХЪА



Мугъяммад-Рамазан РАЖАБОВ,
Дагъогни шагърин имам

Гъямд ибши Сар Аллагъдиз ﷺ, ихъ Халикъдиз! Аллагъдин ﷺ салам – салат ибши варитан заан ва гирами ихъ Пайгъамбариз ﷺ, чан кюлфетдиз, чан вари аьсгъябариз!

Гъюрматлу мусурман гъардшар ва чйир! Аллагъди ﷺ ухъуз лапра гизаф ниъматар тувна, амма ухъуз дурарикан циьбтан хабар адар ва думу ниъматар, гъайифки, ухъу Аллагъдиз ﷺ гунагъназ ишлетмиш апури шулхъа. Мисал вуди гъадабгъиш, ихъ мелз.

Ухъуз думу ахъю вуйи ниъмат ву, хъа амма ухъу гъадму ниъматдихъди фу къадар гунгъар, футнийир апури шулдаринхъа?! Хъа ухъу гъадму мелз Аллагъдин ﷺ калам - Къуръан урхбаз, зикир апбаз ва ихъ гирами Пайгъамбариина ﷺ салават хпаз ишлетмиш дапну ккунду.

Салават учв урхузра рягътиб ву ва артухъди савабра айиб ву. Гъаддиз гъаму салават урхбан гъякънаан фукъан артухъди ужувлар аш «Талхисул маъриф» ктуру китабдин пидихъа. Думу китаб гъибиклур Кахибдиан вуйи Гъясан Гъилми ву.

Салаватдин фазилатваликан гизаф дибикна ва гъаддихъди аьлакьалу вуйи гъядисарра а. Сайид Аьгмадин «Афзалу Салават» ктуру китабди гъамци дибикна: «Дугъриданна, Пайгъамбариина ﷺ фициб жорейинди вушра вуйи салаватди ахъю мянфяьтлу ляхнарра а. Юкв марцц апуз вуйи себебарикан варитан тясир апруб Аллагъдихъна ﷺ багахъ хъуз

вуйи себебра ву. Фунур касди вушра гъаммишан салават урхури гъахъиш, дугъаз гизаф мярифатдин вуйи нурар шулу ва ахъю вуйи баракатра шулу, асас вуди гъаму ихъ заманайиь, гъаз гъапиш муршидар, гъякълу шейхар циьбди айи вахт вуйиган.

Гъаддиз фунур касдиз чан хизан - кюлфетдиз ясана багахълуйириз ужувлан ляхнар ккундуш, дугъу дурариз ихъ гирами Пайгъамбариина ﷺ

вари аьмалар, мумкин ву, къабул апуз ясана къабул дарапузра. Хъа амма салават фици гъурхишра къабул апуз, ктура, ихъ Пайгъамбарин ﷺ гъюрматнаан. Гъюрматлу мусурман гъардаш! Уву аьгъю апин, дугъриданна, нагагъ уву Аллагъу Тааьлайиз ккуни Чан Мугъяммад Пайгъамбариина ﷺ саб салават гъабхиш, увина йицуб салават хибди. Гъаму ляхнариь къюб аьламат а. Саб гъапиб, эгер ухъуз сар

салаватваликан айи хайирлувалра аьхюб ву. Варитан заан хайирлувал, мянфяьтлувал Аллагъдин ﷺ амриз мютлюгъ хъувал ву. Аллагъу Тааьлайи «учву дугъина салават урхай», ктури дупна.

Салават урхувалин мянфяьт фтиь а, ктури гъерхиш, гъамциб жаваб тувуз шулу: Мугъяммад Пайгъамбариз ﷺ салават урхури имидикъан гагъди гъацир касдиз малаикари салават хуру, саб салават урхували увуз ужувлан ляхнар хъиди, йицуб харживал ктубшвиди, йицур лук азад апувалик гъисаб шулу. Гъацир касдиз Мугъяммад Пайгъамбари ﷺ Гъияматдин йигъан ужуб терефнахъанди шагъидвал апили. Хъа малаикари ктуруш, думу ужувлан аьмал арсран кагъзик гъизилин къалмиинди биктуру. Артухъ урхай ва Аллагъди ﷺ учвуз артухъди ужувлар апили.

Салават урхуру кас Гъияматдин йигъан шагъидарихъди хъиршур (чиви апили), Пайгъамбарихъди ﷺ сати хъиди.

Салават урхуру касдин гъадму салават чан аьмаларин закят вуди гъисаб шулу. Думу касдиз малаикари истихфар апуру (гъадгъухъанди Астагъфируллагъ ктуру). Думу кас кечмиш гъахъиган гъадму салават дугъан никърихъ (накъвдихъ) шулу, дугъан гунгъарин аьфв апин, ктури.

Салават – му Аллагъ ﷺ рази хъпаз вуйи себеб ву. Салаватди Сиратин гъаддин думу касдин хил бисиди. Фунур касди сад йигъан агъзур ражну салават урхури гъахъиш, думу кас чаз Женнетди улупнайи йишв дрябкъди къан гагъди йиклурдар. Гъадму салаватдин Аллагъдин ﷺ рякъюь къаб гъазават апуьсиб саваб а. Гъадму салават гъацир касдиз Женнетди гъюри – перйир артухъ хъуз себеб ву.

Садакъа тувуз мумкинвал адру касдиз салават садакъайин ерина дийибгъуру.

Гъаму вари мянфяьтарикан гъядисар арайиз дуфна.

Гъит Къудратлу Аллагъу Тааьлайи ужудар ксариз ужувлан рякъюз кюмек туври! Амин.

Салаватдин заанвал, фазилатвал



Ас-Салам-фото

салават урхуз ва гъацира тубайин гафар «Астагъфируллагъ» пузра улупри. «Хашият – аль Бажури» ктуру китабди гъамци дупна: «Саб гафнинди, салават дин фазилатар кудухну ккудуклуз шулдар – салаватдин мянфяьтлуваликан.

Эгер сар касдихъ шейх хъадарди вуш, гъадму шейх чаз дихъайизкъан, гъадму салаватар урхувал гъадму шейх чахъ хъайибсиб гъисаб шулу. Эгер гъякъ шейхар ади вуш, дурарихъна душну, гъадрарихъан вирд гъадабгъуб лазим ву, эгер Аллагъдихъна ﷺ багахъ хъуз ккундуш».

Дугъриданна, ухъу гъапну вуйи

касди ужувлан ляхин гъапиш, ухъура дугъазра ужувлан ляхин апуз чалишмиш шулхъа. Ари гъаддиз, эгер ухъу Пайгъамбариина ﷺ салават гъабхиш, дугъу ухъузра ужувлан ляхин апили. Къюб гъапиб, Аллагъдин ﷺ ахъю ккунивал Чан Пайгъамбарихъна ﷺ а. Гъаддиз фунур касди салават урхури гъаркъиш, Аллагъ ﷺ думу касдихъинди Чан рягъматвалиинди лигур. Эгер гъарган салават урхуруш, думу касдин кайи гунгъар фукъан вушра, Къудратлу Аллагъди ﷺ аьфуйин «гъюлиь» ирчру.

Пайгъамбариина салават урхбан фазилатвалихъди аьлакьалу вуйи гизаф къадар гъядисар а ва гъадму

ИХЪ ПАЙГЪАМБАРИХЪНА ﷺ ККУНИВАЛ

Гъаму мюгъкамсуз дюнъяйиан гъушган

Гъадму йигъ мусурмариз варитан гъагъиб вуйи ва гъеле дугъахъди гъилиху ахъю ксарихъанра ккуни касдихъан ярхла шулайиган, дерд-хажалат кубкъган, чпи гъапраш аьгъю апуз шулдайи.

Пайгъамбарин ﷺ ахъю терефкар, дугъан рякъ хъапу Уьмар бин Хаттабдихъан, амриан душнайирихъан дубхънайи гъядиса фикирназ гъадабгъуз шулдайи. Гъеле чаз шли вушра Аллагъди Гъаьнайир гъакну гъапиш, гъадугъан кил алдабтарза, ктури мялум гъапнийи. «Аллагъдинди ху апураза, Аллагъди Гъаьнайир гъаклундар!»- текрар апури гъахъну дугъу, дугъан киваь ижмишнаан дерд-хажалат айи. Саб жерге

ксар (дугъахъди гъилихдар) амриан гъушнийи, тмундариз чал гъархнийи ва хиял апарваки, гъич сарихъанра арайиз дуфнайибдикан гъисс апуз шуладайи ва фу шулаш рябкъюрадайи.

Амма Аллагъди ﷺ мюгъкам диндин алаьнайи Абу Бакр, вари дерд- хажалат аьгъ апури, халкъдихъна дикъатлуди илтктуру ва дурар ккарцуз хъюгъру. Думу Аллагъди Гъаьнайирихъна багахъ улучтуру, дугъан маш ачмиш апуру, мак апуру ва ктуру: «Уву чивиди вуйигандин уьмриьра утканур вуйва ва йикбалан къяляхъра гъацир вуди гъузнава. Ииз киваь утукънайи Аллагъдинди ху апураза, фицики Аллагъу Тааьлайи увуз къюб ражну аьжал рябкъюз гъитидар!»- гъамци гафар пувалинди Пайгъамбар ﷺ чиви хъиди ва хъана йикиди ктурударин гафар батлур апурайи. Хъасин Абу Бакр инсанарихъна гъюру ва Уьмраз ктуру: «Гъялак

махъан, ху туврайи я инсан!» Абу Бакри гафар гъапиган Уьмар деьру, хъа Абу Бакри Аллагъдин заанвализ ва ахъювализ шюкюр ибши ктуру, чухсагъул мялум апуру ва ктуру: «Шли Мугъяммаддиз ﷺ икрам гъапнуш, Мугъяммад гъакну, хъа шли Аллагъдиз ﷺ икрам гъапнуш, гъякълу ву, Аллагъ ﷺ чивир ву ва думу йиклурдар!». Ва дугъу аят урхуру, дидиь Аллагъу Тааьлайи Пайгъамбарин ﷺ гъякънаан ктуру, фицики, гъякълу ву, думура имбу жара инсанарси, аьжал хъайир ву.

Абу Бакри гъапи гъаму гафарин къяляхъ инсанар ишуз хъюгъру. ...

Аьжлин малайик Аьзряил, Пайгъамбарин рюгъ адабгъуз гъафиган, дугъан хуларин улихъ дийигъуру, дугъахъна гъюрматсузвал улупиди ктури гучвал кади шулу ва дугъаз салам тувру, ►► 4

УЧВУ ГИЗАФ РАЖАРИ ЗИКИР УРХАЙ

ГЪЯДИС

Гъаму мюгъкамсуз дюнъяйиан гъушган

1 « дугъхан хулаъ учлвуз ихтияр гъадабгъуру. Пайгъамбари ﷺ хулаз гъювал теклиф аплуру ва Жабраил наан а, клури гъерхру. Азряили Пайгъамбариз ﷺ думу исккан зав'ин ал ва дугъахна малайикар башсагълугъвал ккун аплуз гъюри шулу, клуру. Гъадмуган Жабраил гъюру ва Пайгъамбар ﷺ дугъахьинди илтиклору: «Узуз вуйи шаду хабар айин?»

- Увуз Женнетдин гъапир ачмиш дапна,- клуру Жабраили.

- Узу гъаддикан фикир аплурадайза. Узу рази ктауз шлу жарануб адарин?

- Ургби заваринра малайикар уву къаршуламиш ва къабул аплуз гъазурди ву.

Хъана Пайгъамбари ﷺ суал тувру ва думу суал уммайихъди алакълу вуйиб вуйи, чав гъеле аъжлиз улихна вуйи дакъикъирира кмиди фикрар аплури гъахну ва Жабраили дугъаз Аллагъдихъан ﷺ вуйи шаду хабар хуру:



Ас-Салам-фото

- Сабпи ражну вуди Женнетдиз гъагърудар увуна яв жямъаът (умма) хъиди. Жара жямъатариз Женнет хъабкъна (чпи гъадушваз дарфидикъан гагъди).

Пайгъамбар ﷺ архаин шулу, фицики дугъан хиял-метлеб тамам гъахну, ва дугъу аъжлин малайикдиз чан рюгъ адабгъуз (жара аплуз) ихтияр тувру.

Пайгъамбар ﷺ чан аъжлин улихна вуйи гъалназ дугъан-иган, Жабраили дугъхан чан маш гъадабгъуру.

- Гъаз узхъан яв маш гъадабгъурава, яраб увуз ииз машназ лигувал датнаиклан (даккун дубхънаиклан)?- гъерхру Пайгъамбари ﷺ.

-Я Аллагъди Гъаънайир ва ииз дугъри дуст ва ииз юкв архаин аплур! Яраб узхъан уву фици даккун аплуз шуйклан ва уву аъжлин улих хъайи вахтна увуз лигуз яраб шилхъан шуйклан?- бици сес адабхъу

Жабраилиан. Гъамци, пайгъамбарин Асасур, чахъди сатиди ляхин гъаплу дустар-юлдшар ва хизан гъитну, чан умма Аллагъу Тааълайиина аманат дапну, гъаму мюгъкамсуз дюнъяйиан гъушну. Думу йиклурайи вахтна дугъан клул чан ккуни хпир Аъйшайин мухриин архаин дубхънайи ва аъхю гъюрмат аи Пайгъамбарин ﷺ майит Мединаий, чан хпирин хулаъ кивну.

Пайгъамбар ﷺ ктерцган, дугъан хизандиз аи девлет анжагъ ургуб динар вуйи. Аллагъдихъан ﷺ нач'вал кади дугъу гъадму пулра, нагагъ читинвал кайидар гъахъиш, тухмариз тувуз клури гъибтуб вуйи.

Гъеле Пайгъамбар ﷺ кеттерцнайи вахтнара Жабраил дугъахна зияратдиз гъафнийи.. Аллагъди Гъаънайири дугъхан учв йикбалан къяляхъ фила-вуш сабансана жилина гъидива? - клури гъерхру. Жабраили жаваб тувру, фицики Пайгъамбар ﷺ йикбалан къяляхъ думу жилина гъювалин мяна гъубзидар, амма дугъу аълава гъаплну, фицики думу жилина йицлуб багъалу шей'ар чахъди гъахбан бадали йицлуб ражну гъидиза, клури. Пайгъамбари ﷺ дугъхан гъадму йицлуб багъалу шей'ар фийир вуш гъерхру ва Жабраили дурар ктухуру:

Сабпи ражну думу жилина жилилан берекет гъадабгъан бадали гъиди, къюбпи ражну инсанарин юквариан чиб-чпихъна вуйи ккунишин гъадабгъуз, хъасин гъайифвал зигувал, камаллувал гъадабгъуз, къюбпи ражну-гъажимдрарин гъакулвал гъадабгъуз, хъубпи ражну-дишагълийирин нач - гъая гъадабгъуз, йирхъубпи ражну касибарин ва игътияж'вал кайидарин аъгъ аплувал гъадабгъуз, ургубпи ражну алимарихъан гъаму дюнъяйихъан ярхлавал ва диндихъ гъугъувал, Аллагъдихъан гучлрувал гъадабгъуз, миржибпи ражну девлетлу инсанарин жумартвал гъадабгъуз, урчлвубпи ражну Аллагъдин ﷺ Улхуб- Къур'ан ва йицлубпи ражну диндихъ хъугъувал (иман) гъадабгъуз гъиди.

Эгер фикир аплуруш, гъийин вахтна зиихъ кудухнайидарикан гъузнайидар анжагъ къюб къиматлу шеъ ву: Къур'ан ва дин.

ИЧ БАШСАГЪЛУГЪВАЛ



Ас-Салам-фото

Аъ хиримжи вахтна ихъ республикаийн ужударстар алимар - динагълийир алчагъ ва инсафсуз ксари йивну йиклувалин дюшюшар арайиз дугъна: Дагъустандин мусурмнарин Духовный управлениеийн муфтийин заместитель Къурамугъмад - гъажи Рамазанов, тележурналист Аъбдуллагъ Аълишаев. Хъа гъамус муфтийин заместительди гъилиху адлу мусурман кас Аъгъмад- гъажи Тагаевра.

Гъаму улихнаси, гъакулди клуруш майдин 25- пи йигъан, хъахъдин вахтна саяът урчлвубдиъ Мягъагъалайин «Вагонник» клуру дачийирин обществоийи ерлешмиш духънайи хуларин улихъ, муганайиз Дагъустандин муфтийин заместительди гъилиху, хъа аъхиримжи вахтна «Эдеблувал бадали» клуру жямъаътлугъ тешкилатдин руководитель гъахъи Аъгъмад - гъажи Салигъович Тагаев мялум дару ксари йивну гъакулну.

Гъадму аъхю инсафсузвалин гъадиса Аъгъмад – гъажи чан хуларин багахъна хъуркьрайи вахтна арайиз гъафну. Гъадму вахтна «ВАЗ- 2109» маркаийн автомашиндин киллер утлурчвурву ва тапанчийиан саб ражну дугъан къювназди гюлле йивуру. Аъгъ аплуз даршлу гюллейиан 61 йис яш дубхънайи Аъгъмад - гъажи гъадушвахъ йиклуру. Гюлле гъивур жин шулу. Гъелбетда, силисар гъахру идарийрин пишекрари гъадму гъадиса гъаз ва фици арайиз гъафнуш аъгъю аплура. Гъамцир аъхю ва адлу мусурман кас йивну гъакулну. Дугъан багахълуийирииз, дустариз башсагълугъвал ккун аплухъа.

Ав, сарун думу йиклбан гъакулнаан ккергънайи силисарикан ярхи улхбар аплбан мяна айинхъа? Сифтена - сифте ухъу дугъу гъаму жилин хъаплу баркаллу уьмрикан дупну ккунду. Къурамгъаммад – гъажи Рамазанов шагъидси гъаму уьмриан гъушган, дугъаз бахш дапнайи шиъриъ гъамцдар цларар аи: «Ухъкан гъарсари гъабиъ аъжликан фикрар – хиялар аплура». Думу гъадму клуру гаф ву, фицики гъадму аъхю алим Аллагъдин ﷺ рякъюъ Къудратлу Аллагъу Тааълайин ГЪЮКМИИДИ шагъидси гъаму уьмриан гъушну. Магъа Къудратлу Аллагъу Тааълайин Къарар гъаму ражнура уьмриъ гъаятназ къюжюмиш гъабхъну – гъаму ражну ухъхъан жара алим гъухну- Аъгъмад – гъажи Тагаев.

Дугъан хпирин, чан жилирикан улхруган,

Дугъан аъжал гъамциб гъабхъну

гъамци клури гъапнийи: «Дугъу гъабиъ аъжликан фикрар - хиялар аплури шуйи».

Белке саб жерге ксари гъамцира пуз мумкин ву: «Яраб чип'ин гъамциб пис аъжал улубкъну ккуни ксар айклана?»

Дурар саб ляхнин гъавриъ адар, фицики Аъгъмад – гъажиийн дурар аъжликан вуйи хиялар- фикрар дайи гъа, хъа чан Къудратлу Первердигарихъди гъюжюмиш шлуваликан вуйи фикрар- хиялар вуйи! Аллагъдин ﷺ рякъюъ чпин жанар гъайиф дараплу ксарикан сарму ражну Аъгъмад – гъажи Тагаев гъахъну.

Ихъ республикаийн мусурмнарин асас идарийин дагъустандин мусурман гъардшар ва чийрин марци диндин къисмат гъал аплбаъ 90- пи йисари лапра аъхю гъагъ алабхъну. Агъайирихъди марци Ислам диндин гъакулнаан гъаврикк ккъабан ляхниъ Аъгъмад - гъажиий эргувал аъгъдарди намуслу зегъмет гъизигну. Ав, думу гъаму жилин чаз хусуси рягъятвалар агбахъ хътайи. Саб ражну думу Духовный управлениеийиз иццру ликариинди гъюру. Хлиъ аьсса дибиснашра, дугъаз ликар алдагъуз лапра читинди вуйи. Дугъхан «Гъаз уву гъамциб иццру ликрихъди ляхниз гъафунва, яв хулаъ гъаз гъузундайва, Аъмад – гъажи?» клури гъерхган, дугъу гъапнийи: «Баладар кас, ГЪАДУШВАЪ хъасин рягъятвалар хъиди, къан дараплди тамам аплу ляхнар- гъайгъушнар айиз, ари гъаддиз ликури- ликури гъафунза».

Ав, Тагаевди Аъбдуллагъ Аълишаевди ккебгъу ляхин давам гъаплну. Гизафдариз мектебарий баярна шубар чиб - чипхъан жа - жаради дитну урхувал тешкил дапну ккуниваликан ачухъди пуз ккунди адайи, фицики думу месэла чав госуларстойи гъал дапну ккуниб ву, клури. Хъа Тагаевди ва Аълишаевди гъадму месэла гъакулди гъал аплбакан фикрар- хиялар аплури шуйи: баярна шубар аъкъюллудар, эдеблудар ва чиб- чпихъна гъюрмат айидар вуди тербияламиш ишри, клури.

Гъит Къудратлу Аллагъу Тааълайин гъюкмарииз шюкюр ибшири ва ихъ веледар гъакуллу рякъюин алаъри!

Дагъустандин мусурмнарин Духовный управлениеийи Тагаев гъамциб инсафсуз аъжлийинди кечмиш хъувал вари республикаийн мусурмнарив аъхю дерд- хажалат вуди гъисаб аплура. Гъадму адлу мусурман кас йиклбахъди аълакълу вуди ихъ уьлкеийн жюрбежюр шагъариан ва гъуларин башсагълугъвал ккун аплури гизаф къадар кагъзар ва телеграммийр хъадаъна.

Дурари инсафсуз ва алчагъ ксар биябур аплура ва диндин улихъ- клулихъ хъайидарин арайиан гъамцдар ужудар ксар гъагъюрайивалин дерд – хажалат зигура.

Гъит Аллагъди ﷺ ухъкан анжагъ ужувлан ляхнарииз шерик вуйи луклар аплри! Амин

ГЯДИС

ИНСАН ГЪАТМУНУБ ДЮНЬЯЙИЪРА ГЪАМУ ДЮНЬЯЙИЪ ЧАЗ ККУН ГЪАХЪИДАРИХЪДИ ХЪИДИ

Исламдин гъакънаан ужудар-стар аьгъювалар улупбаан вуйи Вариурусатдин Сабпи конкурс гъабхбаан

ПОЛОЖЕНИЕ

«Йиз дюнъя - Ислам»

Интернет портали Исламдин гъакънаан ужударстар аьгъювалар улупбаан вуйи Вариурусатдин Сабпи конкурс гъабхбура.

Конкурсдиъ гьарсар касдихъан иштирак хъуз шулу, яшназ ва чав хъапрайи диндиз дилигди.

КОНКУРСДИН МЕТЛЕБ

Ислам аьгю алувал, думу инсандин вари терефарикан улхурайи дин ву ва диди гьидин гъаму дюнъяйиъ мусурман касдин уьмрин дюзди гъавриъ тлауз кюмек алуру.

Конкурсдиъ иштирак хъуз ккуни вари ксари 33 суалназ жааб тувну ккунду, гъадму суалар сайтдиъ ерлешмиш духъна.

Шли вари суалариз гъакълу жавабар тувшиш, конкурсдиъ гъалиб гъахъидар вуди гьисаб апледи ва кыматлу призар гъадагьиди.

Конкурсдиъ иштирак хъувал заявка биклбинди ва тувнайи суалариз жавабар тувбинди клуиз адабгъуру:

— электронный адресдиз вуйи кагъаз;

— почтран адресдинди кагъаз биклувал:

367015 Дагъустан Республика,
Мягъячгъала шагъур,
Аьзиз Аьлиевдин кюче, 2 (кагъзин «Конкурсдиз» клури дибикнади ккунду).

Конкурсдин иштиракчийин кагъзик кади ккунду:

- конкурсдин материал- конкурсдин суалариз жавабар;

- авторин гъакънаан улупбар: биографияйин жикъи справка, хулан адрес (почтран индексра хъади), контактный телефонар (шагърин кодра хъади), электронный почтайин адрес.

Конкурсдиъ натижйир 2009 – пи йисан 30 – пи июндизкъан йивбанди ву.

Гъалибвал гъадабгъбан гъакънаан вуйи призар тувбан гъакънаан кьарар конкурсдин комиссияйи къабул алуру, аьлимарин арайиан вуйидари.

Конкурсдиз либхру члал урус члал ву. Суалариз жавабар сайтдин материалъ агай.

Конкурсдиъ гъакънаан лапра гъакълу ва бегъемди вуйи мялумат гъаму телефондиан аьгю алуз хъибди:

УЧУЗ БИКИУРА, ЧАН СУАЛНАЗ ЖАВАБ ТЛАЛАБ АПИУРА

Гъаму улихънаси багъри табасаран члалниинди удубчлвурайи «Ассалам» газатдиз Табасаран райондин Жагътил гъулан агъали Мустафа Жамиевди ихъ мусурман диндихъди аьлакьалу темайиан макъала хътапниини ва дидиъ чан киваъ утлукънайи саб жерге фикрар ашкар алура. Гъаддихъди сабси ихъ мусурман гъардаш Мустафайи учуз суалра тувра.

Гъюрматлу Мустафа, уву учуз кагъаз биклбаз лигнуну чухсагъул мялум алурача ва сифте яв кагъзихъди ихъ мусурман гъардшар ва чйир таниш апледи ча ва, иншаАллагъ, яв асас суалназ жавабра тувдича.

Мустафа Жамиевди биклура: «Советарин гъюкумат дабгъбалак къяляхъ ихъ мусурман гъардшариз ва чйириз чипина Шариаьтдинди важиб вуйи фарзар клуиз адагъуз яркъу ихтиярар тувна (гъудган алувал, ушв бисувал ва гъ.ж.). Гъаци алувалиин ухъура шад вухъа. Думу тереф асас вуди узурра аьхю разивалиинди ва киваантлан къабул алураза.

Хъа амма, гъайифки, ихъ бязи табасаран гъардшарин улхбар - рахбар ва жорбежор гъожатар яваш шуладар. Гъаз, фу бадали? Жаваб гъаму гафарий айиганси рябкъюрузу: «Гъарури чаз аьгъюб дюзиб вуди гьисаб алура». Гъацдар ксари я Къуръандик кайиб аьгю алурадар, ясана диндикан аьгю касди фу клураш хъпехъури адар.

Гъюрматлу мусурман гъардшар! Узу учуз саб суал тувраза ва дидиз жаваб туввал тлалаб алураза.

Къуръандиан вуйи сурйир ва гъацира жара биклбар табасаран члалниинди вуйи гъарфариинди дидиклну урхуз ихтияр айин, даршиш ваъ? Эгер ихтияр адарш, гъаз дураар типографияйиъ чап апледиинди адагъура. Гъадму жюрейин таржумйир советарин вахтна я диклуз ясана урхуз ихтияр туври шулдайи. Хъа гъамус ухъуз вари жюрейин ихтиярар тувнайиган, диндикан аьгъювалар айи аьлимари Дагъустандин диндин идарайин ихтиярниинди гъибиклу ва переводар (таржумйир) ахтармиш дапну гъадму диндин идарайи ихтияр тувбалан къяляхъ редакцияйи чапдиан Къуръан, Ясин, мевлюдарин материалар ва жорбежор жара аьхю китабар табасаран члалназ илттиклну ва чапдиан адагъну. Гъадму китабарикан хъуб Къуръан ич Жагътил гъулан мистаъра а.

Узу инкар алурадарза, узуз аьгъюбра фуклара адаруз. Йиз яшра 70 йис дубхънайиз. Амма узуну таржума дапнайидар киваьланра

Инкарвалтан гъакъвал абгуб ужу ву



Ас-Салам-фото

гъаплунза. Хъа амма гъи гъадму хабрар узуз гъеерхъган, узуну дураар урхбан, киваьлан аплбан, гъудгнин члалар эзбер аплбан тахсиркарси гъибгърайиз.

Узу Ясин ва Къуръандиан хайлин сурйир эзбер дапназа, гъар жвумийин йишван йиз абйир- бабариз, саб Ясинра дубхну, бахш алурайза, сарун узхъан гъадму китабар хлизкъана гъадагъуз шуладар. Эгер гъи узуну ва узустар яшнан ксар аьраб члалниинди урхуз хъюгъну клури сарун учхъан думу дубгъуз даршул. Советарин вахтна йиз имийиз урхуз - биклуз аьгъйи. Учу, думугандин бицидари, учуз улуп сарун, клури тлалаб гъаплган, гъамлин дургун йихъай клуийи, гъаз гъапиш парти-йихъан гучлуийи.

Гъелбетда, учузвара ужуйи

аьгъячвуз, фицики гъамусяаьт ихъ Дагъустандиъ йицлудик саб пайназ аьраб члалниинди урхуз – биклуз аьгъюдар ашул. Имбудари чпин бабан члалариинди дидиклну эзбер гъаплну, гъудгнин члалар гъудургъну.

Гъюрматлу редакция! Тлалаб вуйиз дюзди гъюруганси албагнуну йиз макъала «Ассалам» газатдиъ чап алул.

Эгер инжиглу гафар каш, гиран дараплуб ккун алураза. Хъа варида-ри фу клурушра, ухъу ихъ мусурман диндиъ - Шариаьтдиъ улупнайи ляхнар - карар апледи хъа. Фунуб ужуб вуш, гъаддихъинди илттиклну, ухъуз хайир кайибси дюз алапидихъа, шлубкъан артухъди аьгю ксарихъан дубгъидихъа.

Гъюрматлу саламарихъди мусурман гъардаш Мустафа Жемиев».

РЕДАКЦИЯЙИН ТЕРЕФНААН:

Магъа ухъу Мустафайин кагъзихъди таниш гъахъунхъа. Дугъу чан киваъ утлукънайи фикрар ухъуз ашкар дапна. Ваъ, мусурман гъардаш Мустафа, яв кагъзик гъич сарра инжиклу шу гафар ктар. Хъа амма уву гъаму кагъзиъ къайд дапнайи саб месэлайихъди рази хъуз шуладарчухъан, фицики Дагъустандин мусурманарин Духовный управлениейин разивалиинди уву клурайи жюрейин китабар багъри члалариинди чапдиан адагъуб мумкин дар. Белке Дагъустандин Духовный управлениейин экспертдин Советди ахтармиш гъаплу ва гъаддин къяляхъ гъалатлар марцц алувал тлалаб гъаплнушра, хъа амма хайирлу теклифар фикирназ гъадрогъди чпи - чипланди китабар адагъбан дюшюшар гъахъуншул. Хъа амма дидиз ДУМД- дин ихтиярниинди адабгънайи китаб ву пуз шулдар. Гъацдар ксарин гъяракатар Ислам диндихъди ттархъну гъюрудар дар, дураар ихъ диндиз аькси вуйидар ву. Учу гизаф ражари ихъ багъри табасаран члалниинди удубчлвурайи «Ассалам» газатдин машарий уву гъерх-райи жюрейин суалариз жавабар тувунча. Къуръандиан вуйи аятар, сурйир аьраб гъарфариинди дидиклну ккунивал увузра аьгъявуз, Мустафа, гъаз гъапиш милли члаларин гъарфариинди диклувал къадагъа дапнайивалин асас сеbeb гъадрарин мяна члюбгъбаз къурхувал айивал ву.

КЪАДАГЪА ДАПНАЙИБДИХЪАН ИХТИЯТВАЛ ДАРАПИДИКЪАН ГАГЪДИ ИНСАН
АЛЛАГЪДИХЪАН ﷺ ГУЧИВАЛ КАЙИР ХЪИДАР

ГЪЯДИС

ИЧВ БИЦИДАРИЗ

Исламдин дарсар

Гъюрматлу мусурман гъардшар ва чйир!

Иллагъки сабпи ражну Исламдин рякъ хъаплуз ккундариз, гъадму гъисабнаан ихъ набалугъ веледаризра, Ислам диндин гъякънаан аьгъювалар гъадагъбан бадали «Исламдин дарсар» лазим ву. Учвуз мялум дубхънайганси, учу гъамкъангагъдиз «Ассалам» газатдин машариь ихъ мусурман диндихъди аьлакьалу вуйи аьлимари гъязур дапнайи йирхъуб дарснахъди таниш гъапунча, ургубпи ва миржибпи дарсар тувунча. Журбежур динарихъди ва Мугъяммад Пайгъамбарин ﷺ уьмрихъди таниш апбалан къяляхъ гъудган апбан къайдйирикан ва шартларикан гъапунча, гъудган апбахъди аьлакьалу вуйи сурйирихъди ва дюьйирихъди хъайи - хъайибси таниш гъахъунча. Малаикарихъ ва гирами дафтрариь дидикнайи гъякълуваларихъ хъугъбахъди аьлакьалу вуйи къюб дарсра тувунча.

Гъамус, гъюрматлу бицидар ва жара яшарин динагълийир, ичв фикирназ пайгъамбрарихъ хъугъну ккуниваликан вуйи дарс туврача.

Асас вуди гъадму теклифар иллагъки набалугъ баяр - шубари аьшкъниинди къабул аплурвалиин умудлу вуча, иншаАллагъ!

УРЧИВУБПИ ДАРС

ПАЙГЪАМБРАРИХЪ ХЪУГЪУБ

Му диндин юкъубпи шартI ву. Ккудушу дарсариь учу учвуз дафтрар Аллагъди ﷺ Чан луклариз гъаьнайидар ву клури, гъапнийча. Чпи халкъ гъапндариз, ужуб харжибдихъан ва гъякъвал кучлихъан жара аплуз аьгъю хъпан бадали, хъа гъацира гъадрари гъадму дафтрариз тялукъ вуди чпин уьмур дигиш аплуб метлебниинди.

Гъелбетда, чпиз ккун гъабхъи гъарсар касдихъан Аллагъдихъди ﷺ гафар – чIалар аплуз шлуб дар. Варидариз мялум вуйиганси, инсан жямьяатлугъдиь арайиз дуфнайир ву. Гъаддиз асас духъну гъарсаб жямьяатлугъдиз учв улихъ гъахрур, регъбер лазим даринхъа? Гъелбетда, гъаци ву. Ари гъацдар ксар пайгъамбар ву. Дурари инсанариз чпихъна Аллагъди ﷺ гъаьнайи дафтрар ашкар аплуру ва гъадму дафтрарин кюемкниинди инсанар чпихъди гъахуру. Иллагъки гъаддиь пайгъамбарин вазифа ва метлебувал рякъьюра.

Пайгъамбар ва Аллагъди ﷺ гъаьнайи дафтрар батлул аплуру ксар къадарсуз читин гъялнаь ахъри гъахъну. Гъякълу рякълан улдугнайи ксари гъарариз, циз, гомбтариз, хюнариз икрам (ибдат) аплури гъахъну, гъадрар аллагъар вуйич клури. Сарпи пайгъамбар ва сарпи инсан Адамдилан хъюгъну тап Мугъяммад Пайгъамбарихъна ﷺ гъяйизкъан инсаниятдин тарихнаь жара пайгъамбарра гъахъну - гъадрарикан 25 касдин ччвурар Гирами Къуръандиь алахъуру. Хъа амма Къуръандиь улупнайи шубур касдин гъякънаан аьгъю аплуз шуладар: дурар пайгъамбар вуди гъахънуш ясана Аллагъдиз ﷺ ккуни луклар вуди гъахънушра.

Мугъяммад Пайгъамбарилан гъайри гъадрар тялукъ вуйи жямьяатлугъдиь ва тялукъ вуйи вахтна арайиз гъафну, яни инсанарин фициб вуш саб дестейиз дахил шулайи пайгъамбар вуди гъахъну. Ихъ Мугъяммад Пайгъамбар ﷺ вари инсаниятдихъна гъаьнайир ву. Думу аьхиримжи пайгъамбар ву, гъаму дюньйиз жара пайгъамбар гъидар.

Мюгъкамдм аьгъю дапну ккунду: чаз ккун гъабхъи гъарсар касдихъан пайгъамбар хъуз шулдар. Бицидари клури шулу: узу духтир хъидиза, узу инженер, мялим хъидиза клури ва гъ.ж. Хъа амма гъич сарира пидар: узу пайгъамбар хъидиза клури. Пайгъамбарди инсанарин арайиан гъядягъюру ва Аллагъди ﷺ дурар инсанарихъна гъаьру.



Ас-Салам-фото

Пайгъамбрариз чарасуз гъамцдар хасиятар (лишнар) хас ву:

1. Гъякълувал.

Пайгъамбрари анжагъ гъякълуб клуру ва кучлин гъич саб гафра аплурдар

2. Дикъатвал.

Гъадму ксариз бегъемди ихтибарвал аплуз шулу. Гъадрарин арайиь жара кас масу туврур хъуб мумкин дар.

3. Ктякърувал ва аьгъюваларин деринвал. Яни пайгъамбрарин арайиь фикирсузар (ахмакъвал кайидар) хъуб мумкин дар.

4. Гунгъар ктрувал. Аьхюнуб пай жара инсанарихъди тевган пайгъамбрари гунагънан ляхнар аплурдар.

5. Аллагъди ﷺ туву мялуматар гъякълуди, вуйи - вуйибси инсанарихъна хътаувал, рукувал.

Пайгъамбрари ухъуз анжагъ Аллагъди ﷺ гъапиб клуру, ашкар аплуру. Дурар гъич сабра гъидипурдар ва гъич сабра аьлава аплурдар.

6. Пайгъамбар чарасуз жилижви духъну ккунду.

Вари пайгъамбар жили жвийир вуди гъахъну. Дишагъли пайгъамбар гъахъундар.

Гъамус Гирами Къуръандиь улупнайи пайгъамбрарин ччвурар ктухухъа: Адам, Идрис, Нюгъ, Худ, Салигъ, Ибрагъим, Лут, Исмаил, Исхак, Якъуб, Юсуф, Аюб, Шуайб, Муса, Гъарун, Давуд, Сулейман, Иляяс, Альясъ, Юнус, Зулкъифл, Закария, Ягъ'я, Иса, Мугъяммад ﷺ.

Къуръандиь улупнайи (кIваин дапнайи) Узайир, Лукъман ва Зулкъарнай - пайгъамбар гъахънуш ясана гирами инсанар вуйиш, мялум дар.

Бицидар шли тербияламиш аплура?



Ас-Салам-фото

Мугъяммад Пайгъамбарин ﷺ гъаму гафариз лапра дерин мяна а: «Вари бицидар мусурмнар вуди бабкан шулу, анжагъ абйир - бабари дурарикан иудеяр ва христианар аплуру». Абйир – бабари чпин бицидарин аьгъювалар артмиш аплуру, дурарарик эдеблувалин рюгъ каплуру. Дурар чпин веледарин гъякълу эйсйир ву. Педагогарира гъисаб аплурайиганси, бицир - му марцци клаж ву. Дидик уву фу гъибкиш, гъадму гъубзуру.

Бицивал му шадвалихъди, хушбахтвалихъди ва ккун хъувалихъди аьлакьалу вуйи асас дюнья ву. Иллагъки набалугъди имидитан бицирик диндихъна аьшкъ каплуб, ужуб бина дивуб лазим ву. Хъа жвуван уларикк рякъьюри - рякъьюри жара тербияйин тясирнакк гъахъиш, гъациб аьгъвалатнаь фу дапну ккунду? Хайлин абйир - бабари гъаддикан фикрар аплури шулу. Жямьяатлугъ йишварихъ жвуван веледди тербия гъадабгъбан тясирлувал аьхюб шулу. Жвуван велед фунуб мектебдиь ахъруш, дугъу чан юлдшарихъан аькъвлин фицдар терефар аьгъю аплуруш, ари гъаддин метлебувалра аьхюб ву. Гъелбетда, гъациб аьгъвалатнаь жвуван велед жара аплузра шлу ляхин дар. Хизандин метлебувалра аьхюб ву. Гъаз гъапиш иллагъки абйир - бабар чпин веледариз багахъ ву.

Абйир – бабари чпин веледариз лазим вуйи тербия гъадабгъбаз вари жюрейин шараитар яратмиш аплуб лазим ву. Хъа хизандиь лапра ужуб аьгъвалат кми - кмиди Къуръан урхурайивали яратмиш аплуру. Абйир- бабари чпин веледик ягъ – намусвалин, эдеблувалин ва жумартвалин лишнар каьну ккунду. Мугъяммад Пайгъамбарин ﷺ гъаци аплури гъахъну.

Саб ражну Мугъяммад Пайгъамбар ﷺ чан бици хутларихъди финикар уч аплурайи йишвахъ хъади шулу. Гъадрарин багахъ Гъясну ва Гъюсейнди тамшир аплуради шулу. Тамшир аплурайи вахтна Гъясну саб финик гъадабгъуру ва думу иплуз ккун шулу. Хъа амма сабпну абайин машнан лишнар рякъюру. Гъадму лишнарин гъавриь гъахъир чан хилъан гъадму финик идипуз гъялак шулу. Му веледар машнан лишнариинди тербияламиш апбаз халис мисал ву.

Веледдихъна ккунивалиинди лигуб лазим ву, хъа амма тербия тувбаан лазим алдру буш'вал, вижнасузвал улупуб герек дар. Эгер бицир нюкънар аплури, чигъар - сесер деетури вердиш дапнаш, машнан лишнар дигиш апбакан шлуб фулкIара адар.

Веледар дюзди тербияламиш аплувал - му ухъук Аллагъдин ﷺ лишнар кауз чалишмиш хъувал ву. Чан кIваь бицидихъанмина иман мюгъкам дапнайи ва тасдикъ дубхънайи набалугъ гележегдиь пис тербия хъайир духъну ккундар.

Гъит Аллагъ ﷺ ухъу ихъ веледариз туврайи ужуб тербияйикан рази ишри! Амин.

ПОДПИСКАЙИКАН УЛХУХЬА

Ассаламу алейкум, гюрматлу мусурман гьардшар ва чйир!

Магья ухьузра хабар дарди ихь уьмрикан йигъар - вазар ктагъура. Сацйиб улихьна-си цийи йис улубкъбакан улхури гъахьидар магья сарун ухьу гьаму йисандин къюбпи гьацлаъра учвнахьа. Ав, уьмур жикъиб ву, думу саб йишвахь дийибгна-дар. Ари гьаддиз гьарсар касди чан абйир - бабариз, багахьлуйириз, гьуншйириз, гьуландариз, яшнан ахью-дариз гьюрмат аплуб, хьа читинвалиъ айидариз чяхьан шлу саягъниинди кюмекнан хилра гьачлабккуб, Ислам дин тарабгъбаз айи вари жюрейин чалишмиш'валар зигуб лазим ву. Гьаци гьаплу касдикан Аллагъра ﷻ, инсанарра рази хьиди. Саб гафниинди, ухь-кан гьарсари гьаму жилиин илмиди ужувлан шил гьибтну ккунду.

Гьюрматлу мусурман гьардшар ва чйир! Артухъ тьярифар аплувал герек дар, хьа амма ихь уьмриз лазимлу вуйи эдеблу терефарихьди таниш аплу, сабпи нубатнаъ ухьуз багъалу Ислам диндин гьакълу рякъюьди гьагъюз кюмек туврайи ичв гьюрматлу юлдаш багъри табасаран члалниинди удубчвурайи «Ассалам» газат ву.

Ихь уькейин тарихди улупурайганси ва иллагъки ахиримжи йисари ухьухьна Западдиан къасустлан хьадапнайи демократияйи (эгер дидиз демократия пуз шулуш!?) инсанарин эдеблувалин, рябатлувалин, камаллувалин муганайиздин лишнар зат имдарди барбатI аплуз хьюгънийи. Уьлке барбатI ва гьярмагъ-яриш дубхьнайи шараитдиъ (гьамциб аьгвалат аьг аплуз даршулайиган) ихь яшлуйирин, абйир - бабарин тьясирнаккди диндин улихь - кюлихь хьайидари тербия-чивалин вазифйир чпихьна гьадагъну.

Саб жерге фагъумсуз ва ягъурсуз политикари гьаз - вуш Ислам дин экстремистарихьди аьлакьалу аплуру. Гьацдар бейнавйириз Мугъяммад Пайгъамбарин ﷺ гьаму гьадискъана кIваин гьаплиш ужу ву: «Шли кучлал аплуруш, дицир кас йиз умматдикан дар. Шли сар - сариина яракъ за гьаплинуш, гьацар кас йиз умматдикан дар, чав фукъан тасбиъ гьаплинушра, Аллагъ ﷻ кIваин аплурушра ва Кьуръан урхурушра». Ари дикъатлуди фикир тувхьа: кIваъ ужуб иман айир гьич сабанра рябатсуз ляхнариз: къяппавализ, тIафалвализ, гьярмазадавализ, рихшантвализ, алдатмиш'вализ, руш'ватчивализ шерик даршул, гьаз гьапиш ихь баркаллу Ислам утканвалин ва марццивалин дин ву. Гьелбетда, Ислам диндин вари шартлар хьайи - хьайибси тамам аплурайирин фикриз зиихь кудух-

найи чиркин лишнар кIулиз адагъбан къаст дьяргърувалиин умудлу хьидихьа. Хьа Ислам диндин гьакълувал тасдикъ аплурайиб Кьуръан ву.

Ухьу гьар йигъан Аллагъу Тааьлайи ухьуз тувнайи ужувларикан мянфяаьт ктабгъура хьа. Инсан гьайванатарихьан фикирлувалиинди тафавутлу вуйивал-ра аьгъяхьуз. Жвуваз айи фикирлувал аьгъювалар гьадагъбаз харж дапIнура ккунду. Аьгъювалар айири гьадрари-

аьзиз мусурман гьардшар ва чйир! Подписка аплбан ляхниъ жанлу активвал улупайчва, **багъри табасаранар** (гьаму къюб гаф чIатху гьярфариинди жара аплураза!). Гьаз гьапиш жвуван багъри ксарихьна жаради илтIикIбаз себеп азуз, фицики жара миллетарин вакилари чпин чIалариинди удучIвурайи «Ассалам» газатдиз подписка аплбан ляхин ухьитIан жанлу дапIна ва дурариз подписка аплинайчва кIури, тIалаб аплувал герек

600 экзеплярин подписка дапIнайивал ихь рюгълувалин (духовный) зяйифвал даринхьа?! Гьелбетда, ву. Хьа амма табасаранар жара метлебариз пулин дакъатар харж аплуз жумартлудар ву гьа!

Ав, нагагъ подписка аплбан лях-никан гьерхбар-хьерхбар аплу кас гьахьиш, башюста, учухьна илтIикIай, зенг аплинай: 8-988- 305- 19- 61

Гьит ичв гьарсарин хулаз «Ассалам» газат гьюрматлу хьялижв ибшри!

«Ассалам» ухьуз чарасуз лазим вуйи газат ву



Ас-Салам-фото

кан мянфяаьтра кадагъну ккунду. Ихь Пайгъамбарин ﷺ гьадисдиъ дупнайиганси, «Инсанарикан ужурсир ярхи уьмур хьаплур ва ужудар ляхнар кIулиз адагъур ву».

Мугъяммад Пайгъамбарин ﷺ гьаму гьадисдиъ дупнайиганси, «Шли гьюжатар бадали ясана чан агъирвал улупуз кIури аьгъювалар гьадагънуш, гьит чав чаз жегъеннемдиз йишв гьазур аплри». Гьамусдин девриъ гьарсар касдиз светскийси, диндин аьгъювалар гьадагъуз-

дар, дурари артухъ къадарнаъди подписка дапIна. Хьа амма иллагъки жвуван багъри ватанагълийирикан- табасаранарикан гьаму ражнура подписка аплуз дих аплувал алабхьурачуз, гьаз гьапиш кагъалди ву.

Девлетлу ксариз, пул хьайидариз «Ассалам» газатдиз подписка аплуз гьаз – вуш кIюгъялди вуйиганси рябкъюра.

ЦийикIултIан текрар аплурача: вари йискъубан арайиъ багъри члалниинди вуйи «Ассалам» газатдиз подписка аплбаз удубчIвру 180 манат пул кIюгъял мапIанайчва, гьюрматлу мусурман гьардшар ва чйир! Подписка аплбаз вуйи умудвал учвук киврача

ра яркъу рякъ ачмиш дапIна. Гьадму терефнаан «Ассалам» газатдин метлебувал ахьюб ву. Магья къюбпи гьацI йисаз подписка аплру вахт дупна. Имбу чIалариинди «Ассалам» газатдиз подписка аплбан гьал ужуйи ву.

Мисал вуди гьадабгъиш, урус ва авар чIалариинди адагъурайи «Ассалам» газатдин умуми тираж 50 агъзурихьна экзепляр ву.

Хьа табасаран члалниинди вуйи газатдиз подписка дапIнайидарин къадар сад агъзурихьнакъана удубчIвурадар. Гьаддиз гьаму ражнура учухьна дикъатлуди ва ахью тIалаб хьади илтIикIурача,

ЦийикIултIан текрар аплурача: вари йискъубан арайиъ багъри члалниинди вуйи «Ассалам» газатдиз подписка аплбаз удубчIвру 180 манат пул кIюгъял мапIанайчва, гьюрматлу мусурман гьардшар ва чйир! Подписка аплбаз вуйи умудвал учвук киврача. Дюз гьапиш хьади-хьади ич газатдиз подписка аплурайидарра хайлин а, дурари чпин веледаризра газатдиъ чап аплури шлу макъалйирикан ктибтури шулу. Ав, сурчанра, сачра ва ццира подписка дапIнайидар а, хьа амма дурарин къадар цйиб ву. Дагъустандиъ 120 агъзуз кас яшамыш шулайи табасаранариз 500-

Гьюрматлу ватанагълийир! Учвуз «Ассалам» газатдин ляхниъ иштирак хьуз, учвуз мусурман диндикан аьгъдру терефарикан гьерхуз, суалар тувуз мумкинвал туврача ва теклиф аплурача. Гьелбетда, сабпи нубатнаъ диндин регъ-брари - гьуларин имамари, алимари, диндикан аьгъю ва баркаллу уьмур хьаплу ксари учухьди аьлакьа дьубхну ккундучуз. Ав, нагагъ учвуз ихь мусурман



Ас-Салам-фото

динди хьди аьлакьалу вуйи месэлийирикан гьавриъ адруб гьерхуз ккундуш, учуз бикIай, мусурман алимар учвуз жаваб тувуз гьазур ву.

Гирами мусурман гьардшар ва чйир! Ичв кагъзариз, телефондиан вуйи зенгариз ккилигурача. БикIай, ихь багъри «Ассалам» газатдин ляхниъ иштирак йихьай. Артухьди ужувлар, бахтар ишричвуз!

Аьзиз юлдшар! Учвкан вуйи саб тавакъу (тIалаб) зиихь къайд гьаплунза ва хьана текрар аплураза: жвуван багъри табасаран члалниинди удубчIвурайи «Ассалам» газатдиз подписка аплру вахт дупна, подписка аплуз кIваълан магъапIанай. Хьа учу ичв теклифар ва тIалабар тамам аплуз чалишмиш хьидича ва гележегдиъра «Ассалам» газат ужувлан ляхнариз, инсанарин арайиъ дуствал ва мясляаьт уьбхбаз ишлетмиш аплидихьа, аьзиз мусурман чвйир ва чйир.

Гьит ухьу ихь Кьудратлу Аллагъу Тааьлайи лазим вуйи аьгъювалар гьадагъру ксарикан аплри! Амин.

Учухьна гьюрмат уьбхюрайир газатдин редактор

ГЪЯКЪЛУ ВУ, УЖУДАР ЛЯХНАР ГЪАПИУ НИЯТДИКАН АСИЛЛУ ВУ


ГЪЯДИС

МОБИЛИН ТЕЛЕФОНДИАН

СМИ - йири экстремизмийхъди вуйи женгнаъ фициб метлебувал уйнамиш аплура?

Гъаму суалназ гъамцдар жавабар тувра:

Эгер улхувал светский мялуматар тувру дакъатарикан гъабгъюруш, дурарикан гизафдари пис терефнахъанди улхуру, гъеле экстремизмвалин месэлайн гъакънаан, иллагъки вагъабизмийикан улхруган, ужуб дару агъвалат гъизгъин аплуру. Хъа Исламдин гъакълуваликан гъакълуди ктибтру СММИ - йирикан улхуруш, гъайифки, дурарин къадар ахъюб дар, дурари ихъ жямаятлугъди ахъю метлебувал уйнамиш аплуру, экстремизмийикан, асас вуди вагъабизмийикан улхруган. Хъа амма гъадрари мусурман умматдин гаф сабвал мягъкам аплбаз ва анжагъ Ялгъуз вуйи Къудратлу Аллагъдиз мятлюгъ духъну ккунивализ бегъемди сюгъбатар гъахурадар. Ари гъаддиз гъеле Дагъустандирьа кмиди жюрбежюр сектари кюкю адабшвуз хъюгъна.



Ас-Салам-фото

8988...27

Ав, метлебувал уйнамиш аплура. Хъа амма саб жерге дагъустандин, хъа гъацира урусатдин СММИ - йирира кмиди гъацдар нягъакъ гъаракатарин тереф уьбхюру, гъадрариз рекламара кмиди аплуру, яни «марцци Ислам бадали вуйи женгчир вуча», клуру жюрейинстар. Гъеле РФ - йин Гъюкуматдин клулиъ айирира кмиди гъадрариз кюмек аплуру, гъеле чав гъапи гъаму гафар гъархнашра, фицики, чан фикриинди, гъадму «аьдати гъаракатну» Урусатдин халкъ инжиглу дапну 15 йис вушра, асас вуди Кафари Къавкъаз. Гъеле саб ражну ихъ президентра кмиди гъадрарихъанди гъахъну. Хъа амма ухъу, мусурмари, гъич сабанра гъадрарихъан гъич аплидархъа ва, иншааллагъ, гъакълуди пидихъа, телевидениеийан дюзди улупидихъа ва радиоианра дугъриди улхидихъа, фицики дурар Ислам дакнидарин хлиъ маринеткйир ву, клури.

8928...61

Гъелбетда, СММИ - йири иллагъки Ислам тарабгъбаъ ахъю метлебувал уйнамиш аплуру. Эгер гъациб метлебувал уйнамиш аплурдайиш, Исламдин душмари ухъуз ккуни ксар йихидайи.

8988...32

Вагъабизмийхъди вуйи женгнаъ мялуматар тувру дакъатар ахъю метлебувал уйнамиш аплура. Вагъабистариз варитлан ахъю гъичвал тувруб Гъакълувал ву. Гъакълувалихъан дурариз цихъантан артухъди гъичлуру, хъа къувватлу гъурулушарихъан ваъ!

Гъадму шейтнар тянкъид аплуб лазим ву, фицики жигъилар гъавриъ ахъбан бадали. Фицики дурар Исламдин асас душмар вуйивал агъяди ккунду. Ккун аплурза, фицики Аллагъу Тааьлайи «Ас- Салам» газатдин вари

коллективдиз марцци ислам тарабгъбаз лигну багъишар туввал.

8963...93

Мялуматар тувру дакъатарин метлебувал лапра ахъюб хъибдийи, эгер гъаму темайиан дурари намуслувалииндлик биклууйиш. Гъадрарин гъакънаан вуйи - вуйибси гъибикнийиш, дурар фу жар вуш агъю аплуз хъибдийи. Гъаз саб жерге журналистари дурарин язухъ аплуру, хъа амма гъадрари гъийихдарин гъаз язухъ

аплурдар?

8963...93

Мялуматар тувру дакъатар экстремизмийхъди женг гъабхбан гъич саб жюрейинра метлебувал уйнамиш аплурдар. Гъаз клури гъерхачва? Гъаз гъапиш, гъюкмари улихъ хъайидариз гъапи ккунду. Эгер гъюкмари улихъ - клулихъ хъайидариз экстремизм герек дайиш, гъадрарихъди ухдитлан ухди женг гъубхну хъидийи. Гъюкмари экстремизм (вагъабизм) чпин метлебариз ишлетмиш аплура, хъа гъадрар хътарди дурарихъан наанклара гъагъюз шуладар.

8988...50

Гъелбетда, уйнамиш аплуру. Лапра зяйиф агъювалар айи инсанар а. Дурари мялумат анжагъ телевизорихъан гъадабгъура. Гъадрариз шлубкъан ухди агъювалар тувуб лазим ву.

8928...50

Мялуматар тувру дакъатар лапра ахъю метлебувал ишлетмиш аплура. Иллагъки гъадрарихъан, гъеле Исламдикан хабар адрударира кмиди, кучлин диндин циркларин мяналуваликан агъювалар гъадагъуз шула.

8988...99

Гъамцдар редакцийири, мисал вуди гъадагъиш, «Ас - Саламди», диндин гъакънаан вуйи «Ватан» клуру радиопередачири гъакълувалихъна улар арццюз кюмек аплура ва гъит Аллагъди гележегидирьа ихъ муминариз къувват туври!

8928...96

Мялуматар тувру дакъатар лапра ахъю метлебувал уйнамиш аплура - 95 процент! Гъадму терефнаан «Ас - Салам» газатдин метлебувал лапра ахъюб ву. Маншаллагъ!

8928...62

СУАЛАР – ЖАВАБАР

ДАГЪУСТАНДИН АЪЛИМАРИН МАЖЛИСДИЪ ТУВУ СУАЛАР

МАЙИТ ЖИБКІРУГАН ФИЦИБ НИЯТ ДАПИНУ ККУНДУ: СУННАТ ДАРШСАНА ФАРЗ?

Майит жибкІруган гъадму касдин жандкилан чиркишин марцц аплувал ва шид жандин вари терефариз гъабгъювал (кубкъувал) чарасузув ву. Хъа майит жикІуз ният аплувал чарасузув дар, учв майит жибкІувал фарз вушра. Хъа амма майит жибкІруган чарасуз вуди ва бегъемди вари жандак жибкІуз ният аплуру ва гъациб ният аплувал дубхъну ккуниб ву.

ГАГАЙИЗ ЧАН РИШ ШВУВАЗ ТУТРУВАЗ ЛІГНУ ГУНАГЪ ХЪИБДИН?

Гъядисдиъ дупна: «Марцци дару касдиз чан риш швушваз тувурин чан шурахъди вуйи багахълувалин аьлакыйр чІюргъюру». Гъацира гагайи чан риш учвтІан уьмрин дережа жигъатнаан исканди вуйи бализ швушвди тувуз хай шулдар, эгер шуран разивал адарш. Хъа гъакълу себебар адарш, гагайиз чан риш швуваз тутрувузра ихтияр адар.

Гъядисдиъ дупна: «Учвухъна гъилигъар ва учвуз ккуни дин хъапрайи кас гъафиш, дугъаз ичв риш швушвди тувай, даршиш Жилиин къайдасузувал тарабгъиди».

ГЪЮЛИН ХЪИК КУЧУЗ ВА ДИДИН ХЪОЛ ИПИУЗ ХАЙ ШУЛИН?

Хай шулу. Гъюлин вари гъайванатар, ва гъадму гъисабнаан балугъар, марцидар ву ва дурар хурагнак ишлетмиш аплуз хай шулу.

Рузнама

ИЮЛЬ

ДНИ	Утрений Ас-Субхл.	ВОСХ.	Обеден. Аз-Зугър	После-обеден. Аль-гласр	Вечерн. Аль-Магъриб	Ночной Аль-гйишаъ
1	2.53	5.15	12.53	16.56	20.34	22.33
2	2.53	5.15	12.53	16.56	20.34	22.33
4	2.55	5.16	12.53	16.56	20.33	21.31
6	2.58	5.18	12.54	16.57	20.32	22.30
8	3.01	5.18	12.54	16.57	20.31	22.29
10	3.03	5.20	12.55	16.57	20.30	22.28
12	3.06	5.21	12.55	16.57	20.29	22.26
14	3.09	5.22	12.55	16.56	20.28	22.24
16	3.11	5.24	12.55	16.56	20.26	22.22
18	3.14	5.26	12.55	16.56	20.25	22.20
20	3.17	5.27	12.55	16.56	20.23	22.16
22	3.19	5.29	12.55	16.55	20.23	22.14
24	3.23	5.31	12.55	16.55	20.21	22.10
26	3.26	5.32	12.55	16.54	20.20	22.07
28	3.30	5.34	12.55	16.53	20.18	22.03
30	3.34	5.36	12.55	16.53	20.15	22.00

Учредитель

Благотворительный фонд «Путь». Газета печатается по согласованию и одобрению Духовного управления мусульман Дагестана

Редакционный совет

Председатель редакционного совета муфтий РД Ахмад-хаджи АБДУЛАЕВ

заместитель муфтия РД Махди-хаджи МУТАИЛОВ Мухаммад-Рамазан РАДЖАБОВ

Редактор Пирмагомед КАСИМОВ

Канонический редактор Мухаммад-Рамазан РАДЖАБОВ

Художник Саид САИДОВ

Компьютерная группа Асият ХАНОВА Ахмед МАГОМЕДОВ

Менеджер Мухаммад ХИРИЯСУЛАЕВ

При перепечатке ссылка обязательна. Набрано и сверстано на компьютерной базе газеты «Ас-Салам».

Газета зарегистрирована Управлением Федеральной службы по надзору за соблюдением законодательства в сфере массовых коммуникаций и охране культурного наследия по ЮФО (г. Ростов-на-Дону). Свидетельство о регистрации ПИ № ФС 10-6401 от 15 декабря 2006 г. Индекс 51325 Отпечатано в ООО «Дом печати» по адресу: пр-т Акушинского, 20. Заказ № _____

Сдано в печать 13 июня 2009 г. Тираж 1 000 экз. Адрес редакции 367015, РД, г. Махачкала, ул. М. Ярагского, 128. Тел.: (8722) 61-00-64. По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222. E-mail: info@assalam.ru; www.assalam.ru